

**Inatsisartut aalajangiiffigisassaattut siunnersuut, Naalakkersuisut peqquneqassasut kingusinnerpaamik UPA2017-imi allannguutissamik siunnersuuteqassasut, Kalaallit Nunaannut suliffissarsiortut killilersimaarnissaat pillugu Inatsisartut inatsisaanni § 6 imm. 3-mi, sulisitsisut atorfinitsitsinissamik qinnuteqarnerisa kingorna ullut 14-it qaangiunnerisigut kommune piffissap iluani aalajangiisimangippat, ingerlaannartumik atorfinitsitsinnaanerup atorunnaarsinneqarnissaa pillugu.  
(Inatsisartunut ilaasortaq Per Rosing-Petersen, Partii Naleraq)**

### **Akissuteqaat**

(Inuussutissarsiordermut, Sulisoqarnermut, Niuernermit Nunanullu allanut Naalakkersuisoq )

### **Siullermeerneqarnera**

Aallarniutigalugu Inatsisartunut ilaasortaq Per Rosing-Petersen siunnersuuteqarneranik qutsavigissavara.

UKA2012-imi siunnersuutigineqartumut Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27 30. oktober 1992-imeersup allanngortinneqarnissaanut assinguvoq.

Kalaallit Nunaannut suliffissarsiortut killilersimaarniarnissaat pillugu Inatsisartut inatsisaanni § 6, imm. 3-mi aalajangersagaq naapertorlugu akuersissut tunniunneqartut isigineqassaaq, qinnuteqartoq qinnuteqaammi tunniunneraniit ullut 14-it qaangiutsinnagit allamik nalunaarfigineqarsimangippat.

Avataaneersumik atorfinitsitsinissamik imaluunniit avataaneersumik sulisoqarnissamik qinnuteqaatip tiguneranut atatillugu ullut 14-it iluini atorfimmuut nunaqavissumik imaluunniit nunatsinnut immikkut ittumik attuumassutilimmik piukkunnartumik sulisussamik innersuussisoqarsinnaanersoq suliffissarsiuussisarfiimmit misissorneqassaaq.

Piffissaliussap ullunik 14-inik sivitsorneqarnissaa Inatsisartuni amerlanerussuteqartut 2012-imi akerlerisimavaat. Avataaneersunik atorfinitsitsiniarluni imaluunniit sulisunik avataaneersunik pissarsinermi avataaneersut amerlinissaat tunngavilersuutit ilagivaat taamaasilluni sulisoqarniarneq eqarnerusumik ingerlalersillugu, aammalu ulloq unnuarlu suliffeqarfinnut sulisussarsiorderup aporfeqarnerulernissaanik kinguneqarnissaa kiisalu pisortanik namminersorlutillu suliffiuteqartunik kiffartuussinerup ajornerulernissaa tunngavilersuutigineqartunut ilaapput.

Tunngaviusumik isumaqatigiissutigineqarpoq, internetikkut suliffissarsiuussisarfik aqquutigalugu suliffissarsiuussisarnissap, taavalu suliffissaaleqisut sulisinnaassusaat aallaavigalugu naleqqussaavigineqartarneri aallutarineqassasut.

Internetikkut suliffissarsiortarfik ulloq 14. decembari 2015-imi atuutilerpoq [www.suli.gl](http://www.suli.gl)-imilu takuneqarsinnaalluni. Qaammatini makkunani suliffissanut, ilitersuisarnermut pik-

korissaaqinnernullu qitiusumik ingerlatsivinni suligip atuutilersikkiartornera ingerlan-  
neqaleruttoq.

Avataanit sulisussarsiusagaanni piumasaqaataavoq atorfiup taassuma suligil aqutigalugu  
inuttalernarneqarsimanissaa. Sulisussarsiorneq iluatsissimangippat suliffissanut,  
ilitsersuisarnermut pikkorissaaqinnernullu qitiusumik ingerlatsivik qinnuteqarfigine-  
qarsinnaavoq avataanit inuttalerneqarsinnaaneranik akuersissummik.

Qinnuteqaat kommunalbestyrelsimit akuerineqareeruni Danmarkimi Nunat tamat  
Sulisussarsiornermut Ilanngutivitsitsinermullu Aqutsisoqarfimmut, siornatigut Nunanit  
allamiunut Aqutsisoqarfik, tunniunneqassaaq, taassumalu Naalakkersuisunut tusarniaatiga-  
lugu ingerlateqqissallugu. Tusarniaanermut akissuteqartoqareerpat, akissut Danmarkimi  
Nunat tamat sulisussarsiornermut Ilanngutivitsitsinermullu Aqutsisoqarfimmut aalajangi-  
iffigisassanngorlugu utertinneqassaaq.

Internetikkut suligil-ikkut suliffissarsiorfik suliffissaaleqisunik piginnaasaat tunngaviga-  
lugit sulinissaannut anguniagaqartumillu iliuusissatut pilersaarutinik suliffissaaleqisunut  
ataasiakkaanut atuuttunik kommunini sulianik suliarinnittarnerup sivilissusaanik annikil-  
lisaataasussatut atorfiillu sapinngisaq tamakkerlugu nunaqavissunik atorfigineqarnissaasa  
qulakkeerneqarnissaannut ilapittuutaasussatut isigineqarput.

Qulaani tunngavigineqartut aallaavigalugit siunnersuutip Naalakkersuisunit itigartinneqar-  
nissaa inassutigineqarpoq.